

მცხეთის მუნიციპალიტეტში კონკურსის მეშვეობით საპროექტო მომსახურების
სახელმწიფო შესყიდვებისთვის შექმნილი საკონკურსო კომისია
ოქმი №1

ქ. მცხეთა

13 მარტი 2015 წელი

ბადრი მამუჩაშვილი – მცხეთის მუნიციპალიტეტის გამგებლის მოადგილე-კომისიის
თავმჯდომარე;

რევაზ ელოშვილი-მცხეთის მუნიციპალიტეტის გამგეობის არქიტექტურის და
ინფრასტრუქტურის განვითარების სამსახურის უფროსი;

ზურაბ მარსაგიშვილი – მცხეთის მუნიციპალიტეტის გამგეობის არქიტექტურის და
ინფრასტრუქტურის განვითარების სამსახურის, არქიტექტურის განყოფილების უფროსი;

უშანგი ლაფერაშვილი-არქიტექტურის და ინფრასტრუქტურის განვითარების სამსახურის,
ინფრასტრუქტურის განვითარების განყოფილების უფროსის მოვალეობის შემსრულებელი;

შალვა ქემოკლიძე-მცხეთის მუნიციპალიტეტის გამგეობის ეკონომიკისა და ქონების მართვის
სამსახურის უფროსი.

დღის წესრიგი:

ბიწმენდი-ახატნის გზის ნაწილის და ხიდის სავალი ნაწილის რეაბილიტაციის საპროექტო-
სახარჯთაღრიცხვო დოკუმენტაციის შესყიდვის მიზნით გამოსაცხადებელი კონკურსის
საკონკურსო პირობების დამტკიცება.

გაეცვნენ:

ბიწმენდი-ახატნის გზის ნაწილის და ხიდის სავალი ნაწილის რეაბილიტაციის საპროექტო-
სახარჯთაღრიცხვო დოკუმენტაციის შესყიდვის მიზნით გამოსაცხადებელი კონკურსის
საკონკურსო პირობებს.

კომისიამ დაადგინა: დამტკიცდეს შემდეგი საკონკურსო განცხადების პირობები:

საკონკურსო განცხადება

1. მცხეთის მუნიციპალიტეტის გამგეობა აცხადებს კონკურსს არქიტექტურულ და საპროექტო მომსახურების სახელმწიფო შესყიდვაზე და იწვევს კონკურსში მონაწილეობის მისაღებად ყველა დაინტერესებულ პირს.
2. კონკურსის მიზანია: ბიწვენდი-ახატნის გზის ნაწილის და ხიდის სავალი ნაწილის რეაბილიტაციის საპროექტო-სახარჯთაღრიცხვო დოკუმენტაციის შესყიდვა.
3. შესყიდვის სავარაუდო ღირებულება შეადგენს 3332 (სამიათას სამას ოცდათორმეტ ლარს დ.ლ.გ. ჩათვლით).
4. საკონკურსო წინადადების წარდგენისთვის პირი იხდის საფასურს 50 (ორმოცდაათი) ლარის ოდენობით. საფასური გადაიხდება სააგენტოს ანგარიშზე, რომელიც მითითებულია სააგენტოს ოფიციალურ ვებ-გვერზე (<http://procurement.gov.ge>)
- 5 საფასურის გადახდის დამადასტურებელ დოკუმენტში მითითებული უნდა იყოს:
 - ა) გადახდის დამადასტურებელი დოკუმენტის უნიკალური ნომერი და გადახდის თარიღი;
 - ბ) შემსყიდველი ორგანიზაციის დასახელება და საიდენტიფიკაციო კოდი.
 - გ) კონკურსანტის დასახელება და საიდენტიფიკაციო კოდი.
- 6) საკონკურსო განცხადების სააგენტოს ოფიციალურ ვებგვერდზე გამოქვეყნების შედეგად განცხადებისათვის მინიჭებული უნიკალური ნომერი.
7. საკონკურსო წინადადება, რომელიც არ შეიცავს საფასურის გადახდის დამადასტურებელ შესაბამის დოკუმენტს, არ განიხილება. ამასთან, მე-4 ან მე-5 პუნქტის დარღვევით წარდგენილი საფასურის გადახდის დამადასტურებელი დოკუმენტის შემთხვევაში, პირის საკონკურსო წინადადება ექვემდებარება დისკვალიფიკაციას.
8. საკონკურსო წინადადებით წარმოდგენილი ყველა დოკუმენტი ან/და ინფორმაცია წარმოდგენილი უნდა იყოს ქართულ ენაზე და ხელმოწერილი უნდა იყოს შესაბამისი უფლებამოსილი პირის მიერ.
- შენიშვნა: დოკუმენტის ან/და ინფორმაციის უცხოურ ენაზე წარმოდგენის შემთხვევაში, მათ უნდა დაერთის ნოტარიულად დამოწებული ქართული თარგმანი. აღნიშნულ შემთხვევაში უპირატესობა ენიჭება ქართულ თარგმანს.
9. დაინტერესებულმა პირებმა საკონკურსო წინადადება უნდა წარმოადგინონ 2015 წლის 25 მარტს შემდეგ მისამართზე ქ. მცხეთა, ანტონიქის ქუჩა №7.
10. დაგვიანებით წარმოდგენილი საკონკურსო წინადადება არ განიხილება და დაუბრუნდება კონკურსანტს.
11. საკონკურსო წინადადებასთან ერთად კონკურსანტმა უნდა წარმოადგინოს:
 - გზის სიტუაციური ან ტოპოგეგმა, მასშტაბი 1:1000;
 - გზის გრძივი პროფილი 1:2000
 - განივი პროფილი 1:100
 - ფოტომასალა, გზების დღევანდელი მდგომარეობის ასახვით;
 - ინფორმაცია საბოლოო დოკუმენტაციის მიწოდების ვადის შესახებ;
 - საკონკურსო წინადადების ფასი;
 - რეკვიზიტები.
12. კონკურსანტს უფლება აქვს წარმოადგინოს საკონკურსო წინადადება, ალტერნატიული წინადადებები არ განიხილება.

საკონკურსო წინადადება, რომლის ფასი აღემატება შესყიდვის სავარაუდო ღირებულებას 332 ლარს არ განიხილება.

15. გამარჯვებული კონკურსანტის გამოვლენა, მოხდება ქულებით შეფასების სისტემით:

• ინფორმაცია მის მიერ განხორციელებული ანალოგიური (გზების მოწყობა-რეაბილიტაციის სამუშაოების საპროექტო-სახარჯთაღრიცხვო დოკუმენტაციის მომზადება) მომსახურების შესახებ. (წარმოდგენილი ხელშეკრულების ქსეროასლები ან მასთან გათანაბრებული დოკუმენტაცია)- 0.7

• ინფორმაცია საბოლოო დოკუმენტაციის მიწოდების ვადის შესახებ-0.2

• საკონკურსო წინადადების ფასი-0.1

კონკურსანტი გამარჯვებულად ჩაითვლება, თუ მას საკონკურსო კომისიის წევრთა მიერ მიენიჭება ყველაზე მაღალი ჯამური ქულა. ქულათა თანაბრად გადანაწილების შემთხვევაში გადამწყვეტია საკონკრსო კომისიის თავმჯდომარის მიერ მინიჭებული ქულა.

16. გამარჯვებულმა კონკურსანტმა უნდა უზრუნველყოს ხელშეკრულების დადებიდან ერთ კვირაში დასრულებული საპროექტო-სახარჯთაღრიცხვო დოკუმენტაციის წარმოდგენა.

17 გამარჯვებულმა კონკურსანტმა საპროექტო-სახარჯთაღრიცხვო დოკუმენტაციის შედგენისას უნდა გაითვალისწინოს შემსყიდველის მითითებები.

18 წარმოდგენილ საპროექტო-სახარჯთაღრიცხვო დოკუმენტაციას თან უნდა ერთვოდეს ელექტრონული ვერსია. დოკუმენტაცია წარმოდგენილი უნდა იყოს 4 ეგზემპლიარად ამასთან კონკურსანტმა დამატებით უნდა წარმოადგინოს საპროექტო-სახარჯთაღრიცხვო დოკუმენტაცია PDF ფორმატში, რომლის ერთი ფაილის მოცულობა არ უნდა აღემატებოდეს 8 მგბ-ს. ელექტრონული ვერსია წარმოდგენილი უნდა იყოს SHP ფაილში ან „ავტოკადში“.

19 საკონკურსო კომისიის უფლება აქვს ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე. შემსყიდველი ორგანიზაცია ვალდებული არ არის, კონკურსანტს აუნაზღაუროს შესყიდვაში მონაწილეობასთან დაკავშირებული ხარჯები.

20. დასრულებული საპროექტო-სახარჯთაღრიცხვო დოკუმენტაცია უნდა შეიცავდეს „ტექნიური დავალებით“ მოთხოვნილ მონაცემებს.

21. საკონკურსო პირობებთან და შესყიდვის ობიექტთან დაკავშირებული განმარტების მიღება კონკურსანტს შეუძლია შემდეგი მისამართზე: ქ. მცხეთა, ანტიოქიის ქ. №7, ტელ: 2 51 26 96

ტექნიკური დავალება

შესყიდვის ობიექტს წარმოადგენს: სოფ. ბიწმენდი-ახატნის ასფალტო-ბეტონის საფარიანი გზის 350 მეტრიანი და ხიდის რეინა-ბეტონის საფარი 50 მ-იანი სავალი ნაწილის რეაბილიტაციის საპროექტო -სახარჯთაღრიცხვო დოკუმენტაციის შესყიდვა.

საერთო სახარჯთაღრიცხვო ღირებულება დახლოებით უნდა წარმოადგენდეს 111 065 ლარს.

საკონკურსო წინადადების ფაში სრულად უნდა იყოს მოცემული კონკურსით გათვალისწინებული საპროექტო-სახარჯთაღრიცხვო დოკუმენტაციის მომზადებასთან დაკავშირებული ყველა ხარჯი, მათ მორის საავტორო ზედამხედველობის ხარჯი და დოკუმენტაციის ექსპერტიზა.

საპროექტო-სახრავთაღრიცხვო დოკუმენტაციაში გათვალისწინებული უნდა იქნას მშენებლობის ექსპერტიზის ხარჯები და სხვა კანონმდებლობით გათვალისწინებული ყველა გადასახადები.

კონკურსანტის მიერ დაფიქსირებული (წარმოდგენილი) საკონკურსო წინადადების ფასი, უნდა ედრებოდეს მის მიერ წარმოდგენილ დასრულებულ ხარჯთაღრიცხვაში არსებულ საპროექტო სახარჯთაღრიცხვო დოკუმენტაციის მომზადების ხარჯს.

საპროექტო-სახარჯთაღრიცხვო დოკუმენტაცია დამზადებული უნდა იყოს საქართველოში მოქმედი სამშენებლო ნორმებითა და სტანდარტების შესაბამისად.

ხელშეკრულების პირობების საბოლოო ვარიანტი შეიძლება დაზუსტდეს კონკურსში გამარჯვებულ კონკურსანტთან ხელშეკრულების გაფორმების პროცესში.

ხელშეკრულების პროექტი

ერთის მხრივ მცხეთის მუნიციპალიტეტის გამგეობა (შემდგომში შემსყიდველი) წარმოდგენილი მუნიციპალიტეტის გამგებლის ზურაბ აბესაძის სახით და მეორეს მხრივ, (შემდგომში მიწოდებელი) წარმოდგენილი სახით, კონკურსის საშუალებით დებენ წინამდებარე სახელმწიფო შესყიდვების შესახებ ხელშეკრულებას (შემდგომში -ხელშეკრულება) შემდეგზე:

1. ხელშეკრულების საგანი

1.1 ბიწმენდი-ახატნის გზის ნაწილის და ხიდის სავალი ნაწილის რეაბილიტაციის საპროექტო-სახარჯთაღრიცხვო დოკუმენტაციის შესყიდვა.

2. ხელშეკრულების ღირებულება

2.1 ხელშეკრულების ჯამური ღირებულება შეადგენს ——————ლარს.

3. ანგარიშსწორების ფორმა და ვადები

3.1 მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

3.2 მიმწოდებელთან ანგარიშსწორება იწარმოებს გაწეული მომსახურების მიღება-ჩაბარების აქტისა და ანგარიშ-ფაქტურის საფუძველზე.

3.3 მიმწოდებელთან ანგარიშსწორება განხორციელდება მიღება-ჩაბარების აქტზე შემსყიდველის მიერ ხელმოწერიდან 30 კალენდარული დღის განმავლობაში

4. მიღება-ჩაბარების წესი

4.1 შემსყიდველის მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს-----

4.2 მომსახურება ჩაითვლება გაწეულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.

5. მომსახურების გაწევის ადგილი და ვადა

5.1 მომსახურების მიწოდების ადგილია ქ. მცხეთა, ანტიოქიის ქ.№7

5.2 მომსახურების გაწევის საბოლოო ვადაა 2015 წლის-----

6. მხარეთა უფლება- მოვალეობები

6.1 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტორება.

6.2 შემსყიდველი ვალდებულია უზერუნველყოს მიმწოდებელი მომსახურების ღირებულების ანაზღაურება ხელშეკრულებით გათვალისწინებულ ვადებში.

6.3 მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებულ ვადებში.

6.4 მიმწოდებელი ვალდებულია გასწიოს მომსახურება სათანადო ხარისხით.

7. ხელშეკრულებით ნაკისრი ვალდებულებების შესრულების კონტროლი

7. 1 ხელშეკრულებით ნაკისრი ვალდებულებების შესრულების კონტროლს ახორციელებს

7.2 კონტროლი გულისხმობს მიმწოდებლის მიერ ხელშეკრულების პირობების შესრულების, აგრეთვე გაწეული ან გასაწევი მომსახურების ხარისხის კონტროლს.

8. პირგასამტებლო ხელშეკრულების პირობების შეუსრულებლობისათვის

8.1 ხელშეკრულებით ნაკისრი ვალდებულების შესრულების ვადის გაშვების შემთხვევაში, მხარეს ეკისრება პირგასამტებლო ყოველ ვადაგადაცილებულ დღეზე ხელშეკრულების ღირებულების 0,1%-ის ოდენობით.

8.2 პირგასამტებლოს გადახდა არ ათავისუფლებს მხარეს მირითადი ვალდებულებების შესრულებისგან.

9. ხელშეკრულებაში ცვლილების შეტანა და ხელშეკრულების შეწყვეტა

- 9.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 9.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დაგვინილი წესით.
- 9.3 საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 9.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლემამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 9.5 მხარე ვალდებულია 9.4 პუნქტით გათვალისწინებულ გადაწყვეტილების მიღების განზრახვის შესახებ არანკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 9.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10. დავგები და მათი გადაწყვეტის წესი

- 10.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად

11. ხელშეკრულების მოქმედების ვადა

ხელშეკრულება ძალაში შედის 2015 წლის _____ და მოქმედებს 2015 წლის _____ ჩათვლით.
შემსყიდველი
მიმწოდებელი

მცხეთის მუნიციპალიტეტის გამგეობა, ქ. მცხეთა, ანტიოქიის ქ. #7

ს/კოდი: 236098824,

ბანქი: სახელმწიფო ხაზინა

ბ.ქ TRESGE22

ა/ნ GE24NB0330100200165022

მუნიციპალიტეტის გამგებელი ზურაბ აბესაძე

აღნიშნულ პირობებს ვადასტურებთ ხელმოწერით:

კომისიის თავმჯდომარე:

ბ. მამუჩაშვილი

კომისიის წევრები:

რ. ელოშვილი

ჭ. ჭ. მარსაგიშვილი

უ. უ. ლაფერაშვილი

შ. ქემოკლიძე